

四庫全書

經部

欽定四庫全書

經部

御製律呂正義後編卷一百十二至
四

詳校高閣學管理樂部臣鄒英泰

洗馬臣王坦修覆勘

總校官編修臣王燕緒

校對官編修臣勵守謙

謄錄監生臣呂長生

欽定四庫全書

御製律呂正義後編卷一百十二

樂章考

鼓吹二

宋

金

宋鼓吹樂章

宋史曰鼓吹者軍樂也昔黃帝涿鹿有功命岐伯作
凱歌以建威武揚德風厲士諷敵其曲有靈夔競鵬
鷖爭石墜崖壯士怒之名周官所謂師有功則凱歌
者也漢唐以來莫不沿尚宋初因之車駕前後部用
金鉦節鼓撾鼓大鼓小鼓鐃鼓羽葆鼓中鳴大橫吹
小橫吹威栗桃皮威栗簫笳笛歌導引一曲又皇太
子及一品至三品皆有本品鼓吹凡用樂工歌六州

十二時每更三奏之自天聖後帝郊祀耕藉皇太后
謝宗廟悉用正宮導引六州十二時凡四曲景祐中
郊祀減導引第三曲增奉禋歌其後祫享太廟亦用
之大享明堂用黃鐘宮增合宮歌凡山陵導引靈駕
章獻章懿皇后用正平調仁宗用黃鐘羽增昭陵歌
神主還宮用大石調增虞神歌凡迎奉祖宗御容并
神主祔廟悉用正宮惟神宗御容赴景靈宮改用道
調皆止一曲熙寧中親祠南郊曲五奏正宮導引奉

裡降仙臺祠明堂曲四奏黃鐘宮導引合宮歌皆以
六川十二時永厚陵導引警場及神主還宮皆四曲
虞主祔廟奉安慈聖光獻皇后山陵亦如之諸后告
遷升祔上仁宗英宗徽號迎太一宮神像亦以一曲
導引率隨時定宮調以律和之政和中議禮局言古
者饒歌鼓吹曲各異其名以紀功烈今所設鼓吹唯
備警衛而已未有饒歌之曲非所以彰休德揚偉績
也乞詔儒臣討論撰述凡王師大獻則令鼓吹具奏

以聳羣聽從之詔六州改名崇明祀十二時改名稱
吉禮導引改名熙事備紹興中臣僚言國家大饗乘
輿齋宿必設警場肅儀衛而嚴祀事樂工隸太常歌
詞歌詞備三疊累朝皆用之比者郊廟行事率代以
鉦鼓取殿司夫軍旅祭祀事既異宜樂聲清濁用以
殊尚鉦鼓鳴角列於鹵簿中所以示觀德之盛宜詔
有司更製鼓吹樂工以時閱習用之淳熙中大閱帝
戎服而出皇太子親王執政以下並從諸將皆介冑

乘馬導駕軍器分衛前後奏隨軍鼓管大樂云

開寶元年南郊三首

導引

氣和玉燭睿化著鴻明緹管一陽生郊禋盛禮燔柴畢
旋軫鳳凰城森羅儀衛振華纓載路溢歡聲皇圖大業
超前古垂象泰階平歲時豐衍九土樂升平覩寰海
澄清道高堯舜垂衣治日月並文明嘉禾甘露登歌薦
雲物煥祥經兢兢惕惕持謙德未許禪云亭

六州

嚴夜警銅蓮漏遲遲清禁肅森陛戟羽衛儼皇闡角聲
勵鉦鼓攸宜金管成雅奏逐吹逶迤薦蒼壁郊祀神祇
屬景運純禧京坻豐衍羣材樂育諸侯述職盛德服蠻
夷露殊祥萃九苞丹鳳來儀膏露降和氣洽三秀煥靈
芝鴻猷播史冊相輝張四維卜世永固丕基敷元化蕩
蕩無為合堯舜文思混並寰宇休牛歸馬銷金偃革蹈
詠慶昌期

十二時

承寶運馴致隆平鴻慶被寰瀛時清俗阜治定功成遐
邇詠由庚嚴郊祀文物聲明會天正星拱奏嚴更布羽
儀簪纓宸心虔潔明德播維馨動蒼冥神降享精誠

燔柴半萬乘移天仗肅鑾輅旋衡千官雲擁羣后葵傾
玉帛旅明庭韶護薦金奏諧聲集休亨皇澤浹黎庶普
率洽恩榮仰欽元后睿聖貫三靈萬邦寧景貺福千齡

真宗封禪四首

導引

民康俗阜萬國樂昇平慶海晏河清唐堯虞舜垂衣化
詎比我皇明九天寶命垂丕貺雲物效祥英星羅羽衛
登喬嶽親告禪云亭我皇垂拱惠化洽文明盛禮慶
重行登封降禪燔柴畢天仗入神京雲雷布澤徧寰瀛
遐邇振歡聲巍巍聖壽南山固千載賀承平

六州

良夜永玉漏正進進丹禁肅周廬列羽衛繞皇闈嚴鼓

動畫角聲齊金管飄雅韻遠逐輕颺薦嘉玉躬祀神祇
祈福為黔黎升中盛禮增高益厚登封檢玉時邁合周
詩元文錫慶雲五色相隨甘露降醴泉涌三秀發靈
芝皇猷播史冊光耀受鴻禧萬年永固丕基吾君德蕩
蕩巍巍邁堯舜文思從今寰宇休牛歸馬耕田鑿井鼓
腹樂昌期

十二時

聖明代海縣澄清惠化洽寰瀛明康歲足治定武成遐

通賀升平嘉壇上昭事神靈薦明誠報本禪云亭俎豆
列犧牲宸心蠲潔明德薦惟馨紀鴻名千載播天聲

燔柴畢雲輿回仙仗慶鑾輅還京八神扈蹕四隩來庭
嘉氣覆重城殊常禮曠古難行遇文明仁恩蘇品彙沛
澤被簪纓祥符錫祚武庫永銷兵育羣生景運保千齡

告廟導引

明明我后聖德合高穹祇翼勵精衷上真紫殿回飈馭
示聖胄延鴻躬承寶訓表欽崇慶澤布寰中告虔備物

朝清廟荷景福來同

奉祀太清宮三首

導引

穹旻錫祐盛德日章明見地平天成垂衣恭己干戈偃
億載祐黎甿羽旄飾駕當春候欸謁屈殊庭精衷昭感
膺多福夷夏保咸寧聖君御宇祇翼奉三靈已偃革
休兵區中海外鴻禧浹恭館勵虔誠九旒七萃著聲明
徯后徇輿情丕圖寶緒承繁祉率土仰隆平

六州

千載運寶業正遐昌欽聖道崇明祀盛禮邁前王鑾輅
動萬騎騰驤馳道紛紜仗瑞日煌煌奉祕檢玉羽羣翔
非霧滿康莊躬朝真館齋心繹思順風俯拜奠酒爇蕭
薌精忠達飈輪降格昭彰回羽旆駐雕輦舊地訪睢
陽享清廟孝德輝光屆靈場星羅萬國珪璋陳牲幣金
石鏘洋景福降穰穰垂衣法坐恩覃羣品慶均海寓聖
壽保無疆

十二時

乾坤泰帝壽遐昌
寓縣樂平康
真遊降格寶誨昭彰宸
蹕造仙鄉
崇妙道精意齋莊歛靈場
潔豆薦芬芳
備樂奏鏗鏘
猶龍垂裕千古播休光
極褒揚明號洽徽章

朝修展春豫諧民望
覩文物煌煌言旋羽衛
肅設壇塲報本達蕭薌
申嚴祀禮備烝嘗
蒼穹純禧沾品彙慶
賚浹窮荒封人獻壽德
化掩陶唐保綿長
錫祐永無疆
亳州回詣玉清昭應宮一首

導引

秘文鏤玉金閣奉安時旌蓋儼仙儀珠旒俯拜陳章奏
精意達希夷卿雲郁郁耀晨曦玉羽拂華枝靈心報眎
垂繁祉寶祚永隆熙

親享太廟一首

導引

躬朝太室列聖大功宣綵仗耀甘泉祕文升輅空歌發
一路覆祥烟珠旒薦獻極精虔列侍儼貂蟬穰穰降福

均寰宇垂拱萬斯年

南郊恭謝三首

導引

重熙累盛睿化暢真風尊祖奉高穹林林勢綵仗明初日
瑞氣滿晴空玉鑾徐動出環宮虔輦罄宸衷禮成均慶
人神悅聖壽保無窮

六州

承天統聖主應昌辰寶籙降飈游至瑞命慶惟新崇大

號仰奉高真獻歲當初吉天下皆春謁秘宇藻衛星陳
薌霽極紛綸瓊編焜耀仙衣絳縹垂旒俯拜薦獻禮惟
寅芬芳備精衷上達穹昊尊道祖享清廟助祭萬方
臻升泰時緝典彌文侍羣臣漢廷儒雅彬彬烟飛火舉
畢嚴裡天地降氤氲高臨華闕恩覃動植慶延宗社聖
壽比靈椿

十二時

享嘉會萬宇歡康聖化邁陶唐元符錫命天鑒昭彰徽

號奉琳房陳緝禮獻歲惟良耀旂章翠輦駐仙鄉睿意
極齋莊仙衣渥彩玉冊共熒煌芬芳颺馭降靈塲 圃
雲罕尊祖趨仙宇金石韻鏘洋聿朝清廟躬奠瑤觴報
本國之陽執籩豆列飾韶璫對穹蒼洪恩需夷夏大慶
浹家邦垂衣紫極聖壽保遐昌集祺祥地久與天長

天書導引七首

詣泰山

我皇繼位履疇合穹昊祕籙示靈文齋居紫殿膺元貺

降寶命氤氲奉符讓德事嚴裡檢玉陟天孫垂鴻紀號
光前古邁八九為君靈臺偃武書軌慶同文奄六合
居尊圓穹錫命垂真籙清曉降金門升中報本禪云云
嚴祀事惟寅無為致治臻清淨見反樸還淳

詣太清宮

寶圖熙盛登格聖功全瑞命集靈篇欽修祀典成明察
道祖降雲輶賴鄉真館宅真仙朝謁帝心虔尊崇教父
膺鴻福綿亘萬斯年

猶龍勝境真宇儼靈安肅謁展皇儀寶符先路嘉祥應
雲物煥金枝紛紜紫節間黃麾藻衛極歲蕤高穹報眎
延休祉仁壽協昌期

詣玉清昭應宮

紫霄金闕重疊降元符億兆祚皇圖雲章焜耀傳溫玉
寶閣起清都奉迎綵仗溢天衢觀者競歡呼明君欽翼
承鴻蔭億載御中區寶符錫祚慶壽命維新俄降格
飈輪巍巍帝德增虔奉懿親薦穹旻精齋秘館奉嚴禋

文物耀昌辰升禋太乙修郊報鴻祉介蒸民

詣南郊

聖神纘緒赫奕帝圖昌寶籙降穹蒼宸心勵翼修郊報
綵仗列康莊祥煙瑞靄雜天香管磬發聲長升壇禮畢
膺繁祉睿算保無疆

建安軍迎奉聖像導引四首

玉皇大帝

太霄玉帝總御冠靈真威德聳天人寶文瑞命符皇運

綿遠慶維新洞開霞館法虛晨八景降飈輪含生普洽
空鴻福聖壽比仙椿

聖祖天尊

至真降鑒飈馭下皇闡清漏正依依範金肖像申嚴奉
仙館壯翬飛萬靈拱衛瑞烟披岸柳映黃麾九清祚聖
鴻基永堯德更巍巍

太祖皇帝

元符錫命祇受慶誠明恭館法三清開基盛烈垂無極

金像儼天成奉迎迓布甘泉仗簫瑟振和聲靈辰協吉
鴻儀畢萬國保隆平

太宗皇帝

膺乾撫運垂慶洽重熙元聖嗣鴻基發揮寶緒靈仙降
感吉夢先期良金璀璨範真儀精意荅蕃釐闕宮神館
崇嚴配萬祀播歲粦

聖像赴玉清昭應宮導引四首

玉皇大帝

先天氣祖魄寶御中宸列位冠高真綠符錫瑞昭元聖
寶厯亘千春琳宮壯麗俯嚴闈璇碧照龍津珍金鑄像
靈儀睟集福庇烝民

聖祖天尊

仙宗靈祖御氣降中宸孚宥慶維新國土鎔範成金像
儀炳動威神玉虛聖境絕纖塵歡忭洽羣倫導迎雲駕
歸琳館恭肅奉高真

太祖皇帝

石文應瑞真主御寰瀛慈儉撫羣生巍巍威德超千古
大業保盈成神臯福地開恭館靈貺日昭明鑄金九牧
天儀睟紺殿矗千楹

太宗皇帝

乘雲英聖千載仰皇靈垂法藹朝經禹金鎔範肖儀刑
日角煥珠庭琳宮翠殿鳳文屏迎奉慶安寧孝思瞻謁
薦惟馨誠懇贊青冥

奉寶冊導引三首

玉清昭應宮

太霄垂佑綿寓洽祺祥秘檢煥雲章宸心虔奉崇徽號
茂典邁前王霞明藻衛列通莊寶冊奉琳房都人震抃
騰謠頌保載保歡康

景靈宮

明明道祖金闕冠仙真清禁降飈輪遙源始悟垂鴻慶
億兆聳羣倫虔崇徽號盛儀陳寶冊奉良辰拜家億載
蒙繁祉聖壽保無垠

太廟

祖宗垂佑亨會協重熙德澤被烝黎虔崇尊諡陳徽冊
藻衛列歲蕤宸心致孝極孜孜展禮詔台司祥烟瑞靄
浮清廟綿宇被純禧

治平四年英宗祔廟一首

導引

壽原初掩歸蹕九虞終仙馭更無蹤思皇攀慕追來孝
作廟繼三宗旌旂居外擁千重延望想威容寶輿迎引

歸新殿奏享備欽崇

熙寧二年仁宗御容赴會聖宮奉安一首

導引

九清三境飈馭杳難追功烈並巍巍洛都不及西巡到
猶識睟容歸三條馳道隱金槌仙仗共逶迤珠宮紺宇
申嚴奉億載固皇基

章惠皇太后神主赴西京一首

導引

祥符盛際二鄙正休兵瑞應滿寰瀛東封西祀鳴鑾輅
從幸見升平仙遊一去上三清廟食享隆名寢園松柏
秋風起簫吹想平生

中太一宮奉安神像一首

導引

九霄仙馭四紀樂西清遊行遍黃庭雲輶萬里歸真室
上應泰階平金輿玉像下瑤京綵仗擁霓旌天人感會
千年運福祚永昌明

四年英宗御容赴景靈宮奉安一首

導引

鼎湖龍去仙仗隔蓬萊輦路已蒼苔漢家原廟臨清渭
還泣玉衣來鳳簫鸞扇共徘徊帳殿倚雲開春風不向
天袍動空繞翠輿回

十年南郊皇帝歸青城導引一首

降仙臺

清都未曉萬乘並駕煌煌擁天行祥風散瑞靄華蓋聳

旂常建耀層城四列兵圍燿火映金枝翠旌衆樂警作
充宮庭皦繹成紺幄掀袞冕明妥帖壇陛霄升振珩璜
神格至誠雲車下冥冥儲祥降嘏莫可名御端闕盼敷
號榮澤翔施溥茂祉均被含生

元豐二年慈聖光獻皇后發引四首

儀仗內導引一首

駕斑龍忽催金母轉仙仗去瑤宮絳闕深沉杳無蹤漸
塵空絲網瓊林花似怨東風垂清露啼紅猶想舊春中

獻萬壽寶船空

警場內三曲

六州

九龍輿記春暮幸蓬壺瓊囿敞繡仗趨年華與逝水俱

瑤京遠信息斷無寶津池面落花鋪秋晚容

容字疑誤

車來

禁塗鳳簫鸞翼西指昭陵去舊賞蟠桃熟又見漲海枯

應共靈真母曳霞裾宴清都恨滿山隅春城翠栢藏

烏局戶劍照燈魚入間一夢覺餘泉宮窈窕鎖夜龍銀

江澄澹浴仙鳧烟冷金爐玉殿虛綠苔新長雕輦曾行
處夜夜東朝月似舊照錦疏侍女盈盈淚珠

十二時

治平時暫垂簾佑聖子解危疑坐安天下踰歲厭避萬
幾退處深闈殿開慶養志入希夷扶皓日浴咸池看神
孫撫御千載重雍累熙四方欽仰洪慈陰德遠仁功積
歡養罄九域禮無違事難期乘霞去乍覩升仙語下九
圍泣血漣如更鸞車動春晚霧暗翠旗路指蒿伊薤歌

鳳吹悠揚逐風悲珠殿悄網塵垂空坐濕

濕字疑誤

罔極吾

皇孝思鏤玉寫音徽彤管煒青編紀寧更羨周雅播聲

詩

祔陵歌

真人地瑞應待聖時鞏原西滎河會澗洛與瀍伊衆水
縈回嵩高映抱幾疊屏幃秀嶺參差遙山羣鳳隨其瞻
陵寢浮佳氣非煙朝暮飛龜筮告前期莫收玉笋筵卷
時衣鸞輅曉駕載龍旗路逶遲鈴歌怨畫翬引華芝霧

薄風微真遊遠閑寶閣金扉侍女悲啼玉堦春草滋露
桃結子靈椿翠青車何日歸銜恨望西畿便一房鏤夜
臺曉無期

虞主回京四首

儀仗內導引一曲

龍輿春晚曉日轉三川鼓吹慘寒煙清明過後落花天
望池館依然東風百寶泛樓船共薦壽當年如今又到
苑西邊但魂斷香輶

警場內三曲

六州

慶深恩寶歷正乾坤前帝子後聖孫援立兩儀軒西宮
大母朝寢母望椒闥常溫芳時媚景有三千宮女相將
奉玉輦金根上林紅英繁縹緲鈞天奏梨園望絕瑤池
影斷桃源恨難論開禁閣春風丹旖翩翩飛翠蓋駕瑤
輶容衛入西原管簫動地清喧陵上栢煙昏殘霞弄影
孤蟾浮天外行人觸目是銷魂問蒼天塵世光陰去如

奔河洛潺湲此恨長存

十二時

望嵩邛永昭陵畔王氣壓龍岡
輦洛靈光鬱鬱起嘉祥
虛彩帶轉哀仗闕幽堂歎仙鄉
路長景霞飛松上珠襦
宵掩細扇晨歸崑閬茫茫滿目東郊好
紅葩闕芳韶景
空駘蕩對春色倍淒涼
最情傷從輦嬪嬙指瑤津路淚
雨泣千門門字疑作行翠珥璫曾憶薦瓊觴
春又至人何往
事難忘向斜陽斷腸聽鈞天嘹亮
清都風細朱欄花滿

誰奏清商紫幄重簾外時飄寶香環佩珊珊響問何日
反瑀房

虞主歌

轉紫芝指東都帝畿愁霧裏簫聲宛轉輦路逶迤那堪
見郊原芳菲日遲遲對列鳳翼龍旗輕陰黯四垂樓臺
綠瓦互琉璃仙仗歸壽原清夜寒月掩綸褱翠幃瑀輪
空反靈螭憩長岐嵩峯遠伊川渺瀰此時還帝里旌旂
上下葆羽葳蕤天街迴垂楊依依過端闈闔闔正闢金

扉觚稜村暖暉虞神寶篆散輕絲空涕洟望陵宮女嗟
物是人非萬古千秋煙慘風悲

虞王祔廟儀仗內一首

導引

輕輿小輦曾宴玉欄秋慶賞殿宸遊陽心處獸香散盡
一夜入丹丘翠簾人靜月光浮但半捲銀鈎誰知道桂
華金夜却照鵲臺幽

五年景靈宮神御殿成奉迎一首

導引

新宮翼翼鉅麗冠神京
金虬蟠繡楹都人瞻望洪紛處
陸海湧蓬瀛仙輿縹渺下圓清
彩仗擁天行煩黃珠幄
承靈德錫羨永升平

遷章獻明肅皇后御容赴景靈宮奉安一首

導引

九清雲杳飈馭邈難追
功化盛當時保扶仁聖成嘉靖
彤管載音徽天都左界抗華櫟
仙仗下逶迤寶楹黼帳

承神貺萬壽永昌期

八年神宗靈駕發引四首

導引

金殿晚注目望宮車忽聽受遺書白雲縹緲帝鄉去抱
弓空慕龍湖瑤津風物勝蓬壺春色至望琯輿花飛人
寂寂淒涼一夢清都

六州

災圖盛六葉正協重光應寶瑞更法度智勇超軼成湯

昭回雲漢爛文章震揚威武懾多方生民帖泰擁殊祥
封人祝頌萬壽與天長豈知丹鼎就龍下五雲旁飄然
真馭游衍仙鄉泣彤裳伊洛洋洋嵩峰少室相望藏弓
劍游衣冠雋功盛德難忘泉臺寂魚燭熒煌銀海深鳧
雁翱翔想像平居漫焚香望陵人散翠栢忽成行獨餘
嵩峯月夜夜照幽堂千秋陳跡淒涼

十二時

珍符錫佑啓真人儲恩在斯民勤勞日升萬物皆入陶

鈞收威柄更法令鼎從新東風吹百卉上苑正青春流
虹節近衣冠玉帛交奏嚴宸萬壽祝堯仁忽聽宮車晚
出但號慕瞻雲路企龍鱗窮天英冠古精神杳然上僚
人空望屬車巡虛仗星陳畫翬環擁龍輶泉宮掩帝鄉
遠邈難親反凋輪飛羽蓋還渡天津霧迷朱服風搖細
扇觸目悲辛列嬪嬙垂紅淚范行塵相將問何日下青
旻

永裕陵歌

升龍德當位富春秋受天球膺駿命玉帛走諸侯寶閣
珠樓臨上苑百卉弄春柔隱約瀛洲旦旦想宸遊那知
羽駕忽難留八馬入丹丘哀仗出神州笳聲凝咽旌旗
去悠悠碧山頭真人地龜洛奧鳳臺幽繞伊流嵩峯岡
勢結蛟虬皇堂一閉威顏杳寒霧帶天愁守陵嬪御想
像奉龍輶牙盤赭案肅神休何日覲雲裘紅淚滴衣襟
那堪風點綴栢城秋

虞主回京四首

導引

上林寒早仙仗轉郊圻
笳鼓入雲悲
逶迤輦路過西池
樓閣鎖參差
都人瞻望意如疑
猶想翠華歸
玉京傳信
杳無期
空掩赭黃衣

六州

承聖緒垂意在昇平
驅貔虎策豪英
號令肅天兵
四方無復羽書征
德澤浸羣生
睿謀雄雋絀漢高
狹陋慕三皇
二帝登闕緝樂綴文明
將升岱嶽告功成
玉牒金繩

騰寶飛聲事難評軒鼎就清都一夢俄傾飛霞佩乘龍
馭羽衛入高清祥光浮動五色迎鸞鳳雜簫笙因山功
就同軌人至銘旌畫翼行背重城楚筵凝咽漢儀雄盛
攀慕傷情惟餘內傳知向蓬瀛

十二時

太平時御華夷躬聽斷破危疑春秋鼎盛絀聲樂遊嬉
日昇繁機長駕遠馭垂意在軒義恢六典斥三垂有殊
尤絕迹盛德旁魄周施方將綴緝聲詩擴皇綱明帝典

紹累聖重熙高拱無為事難知春色盛逼千秋佳節忽
聞憑玉几頒命彤闥厭世御雲歸翔翠鳳駕文螭縹緲
難追侍臣宮女但攀慕號悲玉輪動指嵩伊龍鑣日益
遠空遊漢廟冠衣惟盛德巍巍鏤玉冊傳青史昭示無
期

虞神

復土初明旌下儲胥回虛仗簫笳互奏旌旆隨驅豈知
飈御在蓬壺道縈紆風日慘六馬躊躇留恨滿山隅不

堪回首翠栢已扶疎帝城漸邇愁霧鎖天衢公卿百辟
鱗集雲敷迓龍輿端門闢金碧凌虛此時還帝都嚴清
廟入空時升文物燦爛極嘉娛配三宗號稱神古所無
帝德協唐虞九歌畢奏斐然殊會軒朱神具燕喜錫福
集皇居更千萬祀佑啓邦圖

神主祔廟一首

導引

歲華婉婉侍宴玉皇宮瑀輦出房中豈知軒后丹成去

望絕鼎湖龍壽原初掩九虞終歸蹕五雲重惟餘寶冊
書鴻烈清廟配三宗

政和三年追冊明達皇后一首

導引

來嬪初載令德冠層城柔範藹徽聲熊羆夢應芳蘭郁
佳氣擁雕楹珠宮縹緲泛蓬瀛脫屣世緣輕空餘寶冊
光瓊玖千古仰鴻名

神主祔別廟一首

導引

柔容懿範蚤歲藹層闌
蘭夢結芳時秋風一夜驚羅幕
鸞扇影空迴榮追祿
翟威儀遺像掩瑤扉
春來只有芭蕉葉依舊倚晴暉

奉安欽成皇后御容坤元殿一首

導引

雲軒芝蓋仙路去難攀
海浪濺三山重迎遺像臨馳道
還似在人間西宮瑤殿指坤元
璇榜聳飛鸞移升寶殿

從新詔盛典永流傳

別廟一首

導引

蓬萊邃館金碧照三山真境勝人間秋風又見芭蕉長
遺跡在人寰雲軒一去杳難攀斑竹彩輿還深宮舊檻
聞簫鼓悵望慘朱顏

高宗郊祀大禮五首

案鼓吹為軍旅之樂葢鼓角橫吹起於西域聖人

存之以為軍旅之用示不忘武備也獨宋則用之
郊廟中然或偶一為之耳至高宗後則直以為郊
祀大禮之用矣以殷薦嚴配之事而出以愷樂之
歌管體制毋乃褻歟或曰此南宋之警武備也然
考其時張韓劉岳諸人俱不得竟其志則武備亦
虛詞耳今亦不復刪去俾考古者有所鑒云

導引

聖皇巡狩清蹕駐三吳十世嗣瑤圖邊城不動干戈戢

文德溥天敷灰飛緹室氣潛嘘郊見紫壇初歸來赦令
樓前下喜氣溢寰區

六州

雙鳳落佳氣藹龍山澄江左清湖右日夜海潮翻因吉
地北築園壇宏基隆陞級神位周環邊陲靜挂起橐鞬
奠枕海隅安三年親祀一陽初動虔修大報高處紫煙
燭看鳴鑾鈎陳肅天仗轉朔風寒孤竹管雲和瑟樂奏
徹天關嘉籙薦玉奠璵璠奉神懽九霄瑞氣起祥煙來

如風馬歛然還留福已滋繁回龍馭升丹闕布皇澤春
色滿人間

十二時

日將旦陰曠潛消天宇扇祥飈邊陲靜謐夜熄鳴刁文
教普旁昭興太學多士舒翹奉宗祧新廟榜宸毫配侑
享於郊慈寧萬壽四海仰東朝男女正中壺致桃夭年
屢稔漕舟銜尾影高廩接楹饒廟堂自有擎天一柱功
比漢廷蕭多少羣工同德俊乂旁招吉祥諸福集燮理

四時調三年郊見六變奏咸韶望雲霄降福與唐堯

奉裡歌

蒼蒼天色是還非視下應疑亦若斯
統元氣覆無私四時寒暑推移物
蕃滋造化有誰知嚴大報反本始
禮重祀神祇律管灰吹黃宮動陽
來復景長時車陳法駕仗列黃麾
帝心祇紫霄霽霜華薄星爛明垂
祥烟起紛敷袞冕六變笙鏞迭奏
一誠幣玉交持宮漏聲遲千官顯
相多儀百神嬉風馬雲車來止來
綏誕降純禧受神策

萬年無極歌頌昊天成命周詩

降僊臺

升煙既罷良夜未曉天步下神丘鏘鏘鳴玉佩煒煒照
金蓮香藹雲表綵仗初轉回龍馭旌節悠悠星影疎動
與天流漏盡五更籌大明升東海頭杲杲靈曜倒影射
旗旒輦路具修鬱葱瑞光浮歸來雙闕看御樓有僊鶴
銜書赦囚萬方喜氣均祉福播歌謳

孝宗郊祀大禮五首

導引

重華天子長至奉神虞九奏會軒朱星暉雲潤東方曉
拜覬竹宮初歸來千乘護皇輿瑞景集金鋪雞竿高唱
恩書下惠露匝中區

六州

嚴更永今夕是何年玉衡正鈎陳燦天宇起祥煙協風
應江海安瀾重規仍疊矩聖主乘乾舜授禹盛事光前
稱壽玉卮邊三年親祀一陽回律八鄉承宇觚陛紫為

壇仰天顏齋居寂誠心肅禮容專鳴鐘石擁輿衛五輅
列戟聞聽金鑰虎旅無眠儼千官須期顯相嘉籙一人
儉德動天淵費減大農錢神示格宗祧燕人民悅祉福
正縣縣

十二時

庭有燎疊鼓鳴鼉更問夜如何信星彪列天象森羅虞
旦闕宮畢觴清廟敷柘樽擣繼猗那嘉頌可同科危聖
萬肩摩飭恭三宿泰時縟儀多丘澤合嶽瀆從義和娥

神光燭雲車風馬芝作葢玉為珂奉璋承禮燔柴竣事
休嘉砰隱丹闕湛恩波共願乾坤隤祉邊鄙投戈覆盂
連瀚海洗甲挽天河欣欣喜色長遇六龍過奏雲和
春薦嘉禾

奉禋歌

吹葭縱籥氣潛分雲采宜書壤効珍長日至一陽新四
時玉燭和均物欣欣化轉洪鈞郊之際孤竹管六變舞
雲門自古嚴禋犧牲具粢盛潔豆籩陳袞龍陟降幣玉

紛綸徹高閣靈之旂神哉旂排歷昆侖九歌畢盈郊瞻
頽燎斗轉參橫將旦天開地闢如春清蹕移輪闐然鼓
吹相聞爾祥雲驪臚八陛釐迓三神聖矣吾君華封祝
慈宮萬壽椒掖多男六合同文

降僊臺

漏殘杳靜雞聲遠到高燎入層霄雲表蟠瑞靄天步下
嘉壇旗旂飄搖黃麾列仗貌貅整氣壓江湖導前從後
盛官僚玉佩間金貂望扶桑日漸高陰霾霜雪底處不

潛消輦路祥飈披拂絳紗袍雲間端闕仰峒峩挾春澤
喜浹黎苗禮成大慶龍三抃受昕朝

寧宗郊祀大禮四首

六州

皇撫極明德貫乾坤信星列卿雲爛輝亘紫微垣思報
貺明詔祠官練時蒐曠典紫時觚壇昭孝德親御和鑾
振鷺玉珊珊精純謁欵管蕭燿煬黃流湛澹百末布生
蘭扣天闔延飛駕相彷彿降雲端神光集嘉嚮應靄靄

萬衣冠竣熙事清曉輕寒恣榮觀華衣霧縠般般乾坤
並貺慶君歡翹首聖恩寬遵皇極沛天澤靈心懌龜鼎
永尊安

十二時

宵景霽河漢清夷曠典講明時合祛升侑孝德爰熙陳
裸闕宮澹觴太室來奏天儀駟蒼螭玉路馭羣綏觚陛
展躬祠長梢飾玉翠羽秀金支華始倡雅韻出宮垂神
來下雲車風馬續晡霽宴棲遲畢觴流昨柴煙竣事棠

黎迴謁宣室受蕃釐盛德無心專饗端為民祈雲恩有
截雨澤沛無涯君王愉樂餘氣溢瑤卮壽夭齊長擁神
基

奉裡歌

霞飛璇籥孕初陽雲絕清臺薦景祥風應律日重光歲
功順底金瓊壽而康庭壺樂無疆皇辰報新禮樂觚陛
詠賓鄉珠幄煥黃登瑞縑陳俎豆澹嘉觴衮衣輝煥寶
佩琳瑯奠椒漿慶陰陰神來下鳳翥龍驤靈燕喜錫符

仍降嘏鏞管琳瑯懽亮神之出被蘭堂輦路天香輕煙
半襲旂常社滂洋受釐宣室返馭齊房恩與風翔華封
祝皇來有慶八荒同壽寶厯無疆

降僊臺

星芒收采雲容放曉羲馭漸陽明觚壇竣事霽風襲袞
衣輕鑾路塵清甘泉鹵簿祓威肅回軫旋衡千官導從
粲簪纓鈞奏間韶英瞻龍闈近鳳城都人雲會芬苒苒
道懽迎宸極尊榮卮玉慶熙成瓊樓天上起和聲布春

澤洪暢寰瀛嵩呼萬歲鼇三抃頌昇平

明堂大禮四首

合宮歌

聖明朝曠典乘秋舉大饗本仁祖九室八牖四戶敷躬
齋戒格堪興盛牲實俎並侑總稽古玉露乍肅天宇冰
輪下照金鋪燎煙噓鬱尊香雲門舞髣髴翔坐靈心咸
嘉娛衆星俞美光屬照煩珠清曉御丹鳳湛恩徧浹率
溥歡聲雷動歡鎮呼徐命法駕萬騎花盈路萬姓齊祝

壽同天地事超唐虞看平燕雲從此興文偃武待重會
諸侯舊東都

六州

商秋肅嘉會協中辛涓路寢修裡祀聖德昭清端志慮
罄竭齋精錦繡排天仗羽衛繽紛朝太室返中宸被袞
接神明時平天地俱清宴兼金行萬寶物盛藹清馨瞻
煩座春容娛燕三靈奠瑤爵薦量幣清思窈冥冥望崑
崙輸嘉祥塞網緼誠殫禮洽慶休成潤澤被生民端門

肆眚所庭稱賀俱將戢穀萬壽祝明君

十二時

炎圖鞏天祚昌期聖德茂重離英明經遠濬哲昭微寶
儉更深慈觀萬國累洽重熙對時報禮秩神祇玉帛湊
華夷肅雍顯相百辟盡欽祇奄嘉虞英壁奠華滋神安
坐景氣澄虛極光燄燭長麗展時應律萬舞逶遲三獻
洽皇儀垂靈祲慶祐來宜禮無違鳴鑾臨帝闕飛鳳下
天倪清和寰宇霈澤一朝馳醇化無為萬祀鞏丕基

導引

合宮親饗青女肅長空精意與天通
后皇臨顧誰為佑
文祖暨神功
函蒙祉福歲常豐
聲教被華戎
兩宮眉壽
同榮樂
戩穀來崇

乾道發太上皇帝太上皇后冊寶一首

導引

重華真主晨夕奉庭闈
裡祀慶成時
乾元坤載同歸美
寶冊兩光輝
斑衣何似赭黃衣
此事古今稀
都人歡樂

嵩呼震聖壽總天齊

淳熙發太上皇帝太上皇后冊寶一首

導引

新陽初應樂事起彤庭和氣滿吳京帝家來慶東皇壽
西母共長生金書玉篆燦龍文前導沸懽聲脩齡無極
名無盡一歲一回增

加上太上皇帝太上皇后冊寶一首

導引

皇家多慶親壽與天長德業播輝光焜煌寶冊來清禁
玉篆映金相庭闈尊奉會明昌佳氣溢康莊洪禧申輯
名增衍億載頌無疆

恭上壽聖皇太后至尊壽聖皇帝壽成皇后尊號冊
寶一首

導引

皇家盛事三殿慶重重聖主極推崇瑤編寶列相輝映
歸美意何窮鈞韶九奏度春風彩仗煥儀容懽聲和氣

彌寰宇皇壽與天同

加上壽聖皇太后尊號冊寶一首

導引

重親萬壽八秩衍新元禮典備文孫溫溫和氣迎長日
寶冊煥瑤琨徽音顯號自堯門德行已該存更期昌算
齊箕翼愈久愈崇尊

嘉泰二年加上壽成太皇太后冊寶一首

導引

思齊文母盛德比姜任擁佑極恩深湯孫歸美熙鴻號
鏤玉更繩金虞庭萬辟萃華簪法仗儼天臨層闈慶典
年年舉千古播徽音

親耕藉田四首

導引

春融日暖四野瑞烟浮柳莞更桑柔土膏脉起條風扇
宿雪潤田疇金根轂轉如雷動羽衛擁貔貅扶攜老稚
康衢滿延跂望凝旒斗移星轉一氣又環周六府要時

修務農重穀人胥勸耕藉禮殊尤壇壝嶽峙文明地黛
耜駕青牛雍容南畝三推了玉趾更遲留

六州

昭聖武不戰屈人兵干戈戢烽燧息海宇清寧民豐業
歌詠昇平願咸歸畎畝力穡為甿經界正東作西成農
務軫皇情躬親耒耜相勸深耕人心感悅擊壤沸歡聲
乘鸞輅羽旗綵仗鮮明傳清蹕行黃道緹騎出重城仰
瞻日表映朱紘環佩更鏘鳴百執公卿不辭染履意專

精準擬奉染盛田多稼風行遐邇家家給足胥慶三登

十二時

臨寰宇恭己巖廊屬意在耕桑愛民利物德邁陶唐躋
俗盡淳龐開千畝帝藉神倉舉彝章祇被壇場為農事
祈祥涓辰行禮節物值春陽罄齋莊明德薦馨香宮禁
遽嬪妃並御侍種桂獻君王中闈表率陰教逾光帳殿
霽煩黃桂柅設翠幙高張慶雲翔罇罍陳酒醴金石奏
宮商神靈感格歲歲富倉箱慶明昌行旅不齎糧

奉禋歌

吾皇端立太平基奉祀肅雍格神祇撫御耦降嘉種何
辭手攬洪縻命太史視日祇告前期驗穹象天田入望
更光輝掌禮陳儀蒐鉅典迎奉令頒宣溫詔遍九圍入
畫熙熙仰明時儼垂衣佳氣氤氲表龐禧豐年屢大田
生異粟含滋吐秀九種傳圖畫來丹闕瑞應昌時亨運
正當攝提佇見詠京坻躬稼穡重耘耔盛禮興行先百
姓崇本業憂勤如禹稷播在聲詩

顯仁皇后神主祔太廟一首

導引

返虞長樂猶是憶宿天何事駕仙輶簫笳儀衛辭宮闕
移仗入雲煙於皇清廟敞華筵昭穆謹承先千秋長奉
烝嘗孝永享中興年

景靈宮奉安神御一首

導行

中興復古孝治日昭鴻原廟飾瑰宮金碧千門礚萬礚

楹桷競穹崇亭童芝蓋擁旌龍列聖儼相從共錫神孫
千萬壽龜鼎亘衡嵩

淳熙十六年高宗神御奉安一首

導引

中興揖遜功德仰兼隆仁澤被華戎鼎湖俄痛遺弓墮
日日想威容柔嘉懿範與堯同飈馭儼相從靈宮真館
借來燕垂裕永無窮

紹興五年孝宗皇帝虞主還宮一首

導引

孝宗純孝前聖更何加
高蹈處重華丹成仙去龍輶遠
越岸暮山遐波神先為捲
寒沙來往護靈槎
九虞禮舉神祇樂萬世佑皇家

祔廟一首

導引

吾皇盡孝宗廟務崇尊
鉅典備彌文巍巍東向開基主
七世祔神孫追思九閏整乾坤
寰宇慕洪恩從今密邇

高宗室千載事如存

寧宗皇帝神主祔廟一首

導引

中興四葉休德繼昭清王度日熙平氣調玉燭金穰應
八表頌聲騰中原圖籍入宸廷列聖慰真靈衮龍登廟
遊仙闕億萬載傳承

寶慶三年奉上寧宗徽號一首

導引

中興五葉天子聲明裡一德格高旻寧皇至聖功超古
萬國慕深仁徽稱顯號又還新功德聚雕珉乾坤繪畫
終難盡遺澤在斯民

金鼓吹樂章

按遼史樂志載前後部鼓吹而無其辭又載前部大
橫吹後部小橫吹與鼓吹分部同用其辭亦無聞焉
元史載樂章畧備而於鼓吹橫吹亦未之及今皆從
前史闕之惟金史載鼓吹數章錄以備考按金之武

功競矣初拒遼後敵宋所向披靡宜其矢為鏐歌為
立馬吳山之詠也乃觀其鼓吹諸曲特以誌臨幸回
鑾之事而無一語及武功亦可見金之不自滿假不
侈戰功焉其撫有大河以北而據有山前山後諸州
以斷宋遼之臂而制其命也豈偶然哉

天眷三年九月駕幸燕京一曲

導引

無射宮

五年一狩仙仗到人間問稼穡艱難蒼生洗服秋光裏
今日見天顏金戈玉斧臨香火馳道六龍閑歌謠到處
皆相似天子壽南山

天德二年三月祫享迴鑾一曲

導引曲

禮成廟享御衛拱飛龍諸道起祥風太平天子多受福
孝德與天道鳳簫龍管韶音奏聲在五雲中粲然文物
昭治世萬億禩無窮

貞元元年三月駕幸中都一曲

導引曲

姑洗宮

鑾輿順動嘉氣滿順京輦路宿塵清鈎陳萬旅隨天仗
縹緲轉霓旌都人望幸傾堯日鼇抃溢歡聲臨歡八極
辰居正寰宇慶昇平

采茨曲

新都春色滿華蓋定全燕時運千齡協星辰五緯連六

龍承曉日丹鳳倚中天王氣盤山海皇居億萬年

貞元三年十一月祫享回鑾曲

采茨曲

慶成廻大駕仙仗紫雲深龍袞輝千騎嵩呼間八音太
平興緝禮萬國得歡心孝格迎遐福穰穰永降臨

正隆六年六月駕幸南京曲

並林鐘宮

導引曲

神宮壯麗宮殿壓蓬萊向曉九門開聖明天子初巡幸
遙駕六龍來五雲影裏排仙仗清蹕絕纖埃都人齊唱
昇平曲更進萬年盃

采茨曲

雙闕層雲表澄景開清曉六龍天上來馳道平如掃虞
巡五載合夏諺一遊同都人欣豫意寫入頌聲中

大定三年十月裕享迴鑾曲

導引二曲

並應鐘宮

大宮崇列考大禮慶初成絲仗迴雲步天階嚴蹕聲舜
宮合至孝周頌詠維新介福應穰簡歡交萬國情

禮行清廟華黍薦年豐聖孝與天道六龍迴馭千官衛
玉振珮環風黃麾金輅嚴天仗霏霧鬱葱葱工歌迭奏
升平曲福祿自來崇

大定二十七年三月皇太孫受冊謝廟

導引曲

欽定四庫全書

卷一百一十二

璿源濬發衍慶自靈長聖運日隆昌震闡顯冊崇彝典
基緒煥重光揀時廟見嚴昭報禮樂粲成章精誠潛合
神明助福祿永無疆

御製律呂正義後編卷一百一十二

欽定四庫全書

御製律呂正義後編卷一百十三

度量權衡考一

國朝制度

欽定四庫全書

卷一百十三

度量權衡考

上編云度量權衡皆起於黃鐘而驗黃鐘者可不
取證於度量權衡耶斯言也謂夫聲虛而莫可留
器實而可傳後也班固漢志一曰備數二曰和聲
而即繼以審度嘉量權衡三篇隋書因之宋蔡元
定律呂新書亦附之於篇後至明朱載堉律學四
物譜則尤詳焉顧古律既亡度量衡制亦不一徒
滋議論無所折衷我

聖祖仁皇帝契元聲精研象數既得黃鐘真度而度量
衡之制皆有以稽其同異而觀其會通雍正九年
編入

大清會典頒行天下乾隆九年

御製嘉量列之

殿庭然後律度量衡之制瞭如指掌任天下長短多
寡輕重之不齊皆有以比而同之而并得其不同而
同之故此誠極制作之明備矣今將

國朝制度具列於前而載歷代沿革議論於後一以
明參考互證為審音之要道一以示立法勗制為
經國之大端而我

朝之稽古正樂掌之太常藏之王府者實有以集百
代之成由茲益信矣

國朝制度

順治五年定戶部較準斛樣照式造成發坐糧廳
收糧 又定工部鑄造鐵斛二張一存戶部一存
總督倉場再造木斛十二張頒發各省 十一年
諭徵收錢糧各督撫嚴飭有司務遵部頒較定法馬有私
自增加者不時察參 十二年題准較製鐵斛存戶部
一張發倉場總漕各一張頒發直省各一張布政
司照式轉發糧道各倉官較製收糧永遠遵行

十五年覆准各關量船稱貨務使秤尺準足不得任意輕重長短

康熙元年題准直省尺斗等秤俱照部頒前式畫一遵行違制者究處又校准新造法馬通行內外衙門遵用 四十三年

諭朕見直隸各省民間所用等秤雖輕重稍殊尚不甚相懸絕惟斗斛大小迥然各別不獨各省不同即一縣之內市城鄉村亦不相等此皆牙僧評價之人希圖牟利

之所致也又升斗面寬底窄若稍尖量即致浮多若稍平量即致虧額弊端易生職此之故於民間甚為未便嗣後直省斗斛大小作何畫一其升斗式樣可否底面一律平準以杜弊端至盛京金石金斗關東斗亦應一併畫一著九卿詹事掌印不掌印科道詳議具奏遵

旨議定直隸各省府州縣市廩鎮店馬頭鄉村民人所用斛面俱令照戶部原頒鐵斛之式其升斗亦照戶部倉斗倉升式樣底面一律平準

盛京金石金斗關東斗俱停其使用鑄造鐵斗三十張鐵升三十張發

盛京戶部順天府五城倉場總漕直隸各省巡撫令轉發奉天府寧古塔黑龍江等處及各該布政司糧道府州縣倉官責令通行曉諭各該屬地方民人一體遵行 五十二年

御製律呂正義考定度量權衡

律尺十寸為今營造尺八寸一分黃鐘之長律尺

九寸為今營造尺七寸二分九釐黃鐘之徑律尺
三分三釐八毫五絲一忽為今營造尺二分七釐
四毫一絲九忽黃鐘面羃律尺九分為今營造尺
五分九十釐四十九毫黃鐘之積律尺八百一十
分為今營造尺四百三十分四百六十七釐二百
一十毫黃鐘之龠容一千二百黍律尺權法重五
錢今權法重二錢五分強律尺量法一斛二千龠
為十斗今量法一斛二千龠為五斗

聖祖仁皇帝庭訓曰書云同律度量衡論語曰謹權量蓋為禁貪風除欺詐所以平物價而一人情也今市廛之上閭閻之中日用最切者無過於丈尺升斗平法其間長短大小亦或有不同而要皆以部頒度量衡法為準通融合算均歸畫一則不同而實同也蓋以大同者定制而度而以隨俗者便民情斯為善政自古以迄於今幾千百年度量權衡改易非一苟一旦必欲強而同之非惟無益於民生抑且有妨於治道此又不可不留心

高

體

積

| | | | | | | | | | | | | | | | |
|-----|-----|-----|-----|-----|-----|-----|-----|-----|-----|-----|-----|-----|-----|-----|-----|
| 寸八 | 二寸六 | 二寸三 | 二寸零 | 一寸六 | 一寸三 | 一寸一 | 九分六 | 七分六 | 六分零 | 五分六 | 五分一 | 四分四 | 三分五 | 三分四 | 三分二 |
| 分釐 | 分釐 | 分釐 | 分釐 | 分釐 | 分釐 | 分釐 | 釐毫 | 釐毫 | 釐毫 | 釐毫 | 釐毫 | 釐毫 | 釐毫 | 釐毫 | 釐毫 |
| 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 | 毫毫 |
| 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 | 絲絲 |
| 九微七 | 八微四 | 微六 | 微八 | 微八 | 微八 | 微八 | 微八 | 微八 | 微八 | 微八 | 微八 | 微八 | 微八 | 微八 | 微八 |
| 七錢 | 六錢 | 五錢 | 四錢 | 三錢 | 二錢 | 一錢 | 九分 | 八分 | 七分 | 六分 | 五分 | 四分 | 三分 | 二分 | 一分 |
| 一百零 | 八十八 | 七十三 | 五十八 | 四十四 | 二十九 | 一十四 | 一十三 | 一十一 | 一十 | 八分 | 七分 | 五分 | 四分 | 三分 | 二分 |
| 二分九 | 分二分 | 分五分 | 分八分 | 分二分 | 分四分 | 分七分 | 分二分 | 分七分 | 分二分 | 分七分 | 分二分 | 分七分 | 分二分 | 分七分 | 分二分 |
| 百四十 | 三十五 | 二十九 | 二十三 | 一十七 | 一十一 | 零五厘 | 三十五 | 六十四 | 十四釐 | 三釐五 | 二釐九 | 二釐三 | 二釐七 | 一釐一 | 一釐五 |
| 一釐一 | 釐百 | 釐四百 | 釐五百 | 釐百 | 釐百 | 釐百 | 釐百 | 釐百 | 釐百 | 釐百 | 釐百 | 釐百 | 釐百 | 釐百 | 釐百 |
| 百七十 | 九十四 | 七十二 | 二十九 | 四十七 | 六十五 | 七十二 | 零毫 | 零毫 | 零毫 | 零毫 | 零毫 | 零毫 | 零毫 | 零毫 | 零毫 |
| 六毫 | 毫 | 毫 | 毫 | 毫 | 毫 | 毫 | 毫 | 毫 | 毫 | 毫 | 毫 | 毫 | 毫 | 毫 | 毫 |

量制形方以寸法定容積之率

升方積三十一寸六百分面底方四寸深一寸九分七釐五毫

斗方積三百一十六寸面底方八寸深四寸九分三釐七毫五毫

斛方積一千五百八十寸面方六寸六分底方一尺六寸深一尺一寸七分

乾隆九年

御製嘉量方圓各一範銅塗金列之

殿廷其上為斛其下為斗左耳為升右耳為合龠其
重二均聲中黃鐘之宮

親為之銘並刻方圓度數於其上備清漢文銘曰

皇予

聖祖建極憲天度律均鐘洞契元聲微顯闡幽何天衢亨

小子纘緒寰區撫臨協時月正日同律度量衡製茲
法器列於大廷匪作伊述

大猷敬承遵鐘得度率度量成量為權輿律諧六英猗

聖合

天

天心

聖明七政是齊為萬世法程如衡無私如權不凝如度制
節如量祇平律得環中紹

天明命永寶用享子孫繩繩我日斯邁而月斯征中元甲

子乾隆御銘

圓制

時得東漢嘉量按其度數中今太簇乃仿其式用今律度合黃鐘焉

嘉量斛

積八百六十寸九百三十四分四百二十釐

容十斗

深七寸二分九釐

冪一百一十八寸九分八十釐

徑一尺二寸二分六釐二毫

嘉量斗

積八十六寸九十三分四百四十二釐

容十升

深七分二釐九毫

畧一百一十八寸九分八十釐

徑一尺二寸二分六釐二毫

嘉量升

積八千六百零九分三百四十四釐二百毫

容十合

深一寸八分二釐二毫五絲

累四百七十二分三十九釐二十毫

徑二寸四分五釐二毫

嘉量合

積八百六十分九百三十四釐四百二十毫

容二龠

深一寸零九釐六毫

累七十八分五十三釐九十八毫

徑一寸

嘉量斛

積容深為合之半冪徑同

依工部營造尺為縱累百黍之度營造尺九之

九即律尺為橫累百黍之度

方制

唐太宗時張文收造嘉量形方亦仿其制而用今律度

嘉量斛

積八百六十寸九百三十四分四百二十釐

容十斗

深七寸二分九釐

畧一百一十八寸九分八十釐

方一尺零八分六釐七毫

嘉量斗

積八十六寸九十三分四百四十二釐

容十升

深七分二釐九毫

冪一百一十八寸九分八十釐

方一尺零八分六釐七毫

嘉量升

積八千六百零九分三百四十四釐二百毫

容十合

深一寸八分二釐二毫五絲

冪四百七十二分三十九釐二十毫

方二寸一分七釐三毫

嘉量合

積八百六十分九百三十四釐四百二十毫

容二龠

深八分六釐零九絲

畧百分

方一寸

嘉量龠

積容深為合之半畧方同

依工部營造尺為縱累百黍之度營造尺九之
九即律尺為橫累百黍之度

右圓方度數仿漢斛制斛升合皆正書斗龠皆
倒書蓋翻舉斗龠視之則皆正也清文從左起

新定四庫全書

新定四庫全書

新定四庫全書

新定四庫全書

新定四庫全書

新定四庫全書

新定四庫全書

新定四庫全書

ᲑᲣᲗ ᲑᲣᲗ ᲑᲣᲗ

ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ

ᲑᲣᲗ

ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ

ᲑᲣᲗ ᲑᲣᲗ ᲑᲣᲗ

ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ

ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ ᲑᲣᲗ

ᲑᲣᲗ ᲑᲣᲗ

صوفیہ لفظ پنجہ صوفیہ اسرار

ᠤᠯᠤᠰ ᠲᠦᠨ ᠶᠡᠭᠡᠷ

步、事、主、子、子

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

[illegible]

一、
 二、
 三、
 四、
 五、
 六、
 七、
 八、
 九、
 十、

五
六
七
八
九

وَأَمَّا الْفُلُ فَإِنَّهُ بِالسَّاعَةِ يُهْلِكُ

وَأَمَّا الْفُلُ فَإِنَّهُ بِالسَّاعَةِ يُهْلِكُ

وَأَمَّا الْفُلُ فَإِنَّهُ بِالسَّاعَةِ يُهْلِكُ

وَأَمَّا الْفُلُ فَإِنَّهُ بِالسَّاعَةِ يُهْلِكُ

وَأَمَّا الْفُلُ فَإِنَّهُ بِالسَّاعَةِ يُهْلِكُ

وَأَمَّا الْفُلُ فَإِنَّهُ بِالسَّاعَةِ يُهْلِكُ

وَأَمَّا الْفُلُ فَإِنَّهُ بِالسَّاعَةِ يُهْلِكُ

وَأَمَّا الْفُلُ فَإِنَّهُ بِالسَّاعَةِ يُهْلِكُ

乘車主車馬車

सिंह

東 事 考 記 序

١٠٠٠
١٠٠٠
١٠٠٠
١٠٠٠
١٠٠٠

七
 八
 九

五

走馬出走走馬走馬

سید

انفقر انفقر انفا . مسقم مسقم مسقم . مسقم مسقم

انفقر . مسقم مسقم . مسقم مسقم . مسقم مسقم .

انفقر . مسقم مسقم . مسقم مسقم . مسقم مسقم .

انفقر . مسقم مسقم . مسقم مسقم . مسقم مسقم .

انفقر . مسقم مسقم . مسقم مسقم . مسقم مسقم .

انفقر . مسقم مسقم . مسقم مسقم .

انفقر . مسقم مسقم . مسقم مسقم . مسقم مسقم .

انفقر . مسقم مسقم . مسقم مسقم . مسقم مسقم .

الحق

الحق

الحق

الحق


الحق

الحق


الحق

الحق

嘉量圖式



嘉量方式



案周髀漢斛皆云深尺內方尺而圓其外度同而容積不同故先儒皆遷就以為之說究其所謂方尺者實不止方尺故曰旁有廐焉則其度数亦未為定法也今以律尺起量而以營造尺命度則古今度量權衡同異之致瞭然可見斛積八百六十二寸九百三十四分四百二十釐即律尺一千六百二十寸也斗積八十六寸九十三分四百四十二釐即律尺一百六十二寸也升積八千六百零九

分三百四十四釐二百毫即律尺一萬六千二百
分也合積八百六十分九百三十四釐四百二十
毫即律尺一千六百二十分也龠積為合之半即
律尺八百一十分也斛深七寸二分九釐為黃鐘
之度即律尺九寸也斗深七分二釐九毫為黃鐘
十分之一即律尺九分也升深一寸八分二釐二
毫五絲為黃鐘四分之一即律尺二寸二分五釐
也以深除積得冪而圓徑方邊數各不同若以圓

徑方邊求面纂而以深乘之其積仍一也至於合
侖則圓徑方邊俱為營造尺一寸在律尺則為一
寸二分三釐四毫五絲六忽七微九纖即古尺今
尺之異也圓徑一寸者面纂七十八分又萬分分
之五千三百九十八方邊一寸者面纂百分圓方
之定率也斛深七寸二分九釐斗深七分二釐九
毫并底厚八釐一毫共八寸一分律尺之全度也
析尺為寸而古之寸法在是累寸為尺而今之尺

法亦在是則古今度法之同異可見矣從度起量
斛容二千龠其實十斗以今量法準之止二斗七
升二合餘以十析之則斗之容積為今二升七合
餘升之容積為今二合七勺餘則古今量法之同
異可見矣從量起衡斛容二百四十萬黍重一千
兩以今之權法準之止重五百三十一兩餘嘉量
之體重二鈞計九百六十兩以今權法準之止重
五百十兩餘則古今權法之同異可見矣推原具

故則權量皆自度始蓋律尺為橫累百黍之度營造尺為縱累百黍之度而橫黍尺十寸當縱黍尺八寸一分古之權量以橫黍之度起龠尺小故權量亦隨之而小今之權量以縱黍之度起龠尺大故權量亦隨之而大今律尺雖亡而營造尺則未之有改明冷謙制律用營造尺其律固失之長而權量之法大率由是而起試以營造尺九寸制為黃鐘之管命其所容為一龠則二斛十斗之積當

為營造尺三千二百四十寸命其一龠之重為五錢則律尺一龠之重當為二錢六分五釐七毫二絲零五微而律尺十斗二千龠之重當為五百三十一兩四錢四分一釐我

朝權量之制大抵皆仍前明之舊今考戶部量法二斛十斗之積為三千一百六十寸比之營造尺起龠者少八十寸而權法則與營造尺起龠者相合然則今之權量其亦有所本矣自

世祖章皇帝以來部頒定制昭示天下

聖祖仁皇帝親加考定既以大同者定制度又以隨俗者
便民情今天下之大兆民之衆所用丈尺斗斛等
秤雖長短大小輕重或有不同而要皆以部頒定
制為準通融合算均歸畫一則不同而實同也我
皇上敬紹

先猷製茲法器備具四物垂憲萬年其與虞廷同律度量
衡之意不後先一揆歟今將古今度量衡比例法

并今民間所用度量衡長短大小輕重之率悉列於左

古今度量衡比例法

律尺十寸為營造尺八寸一分置律尺之數以八十一乘之或九因二次得營造尺之數置營造尺之數以八十一除之或九歸二次得律尺之數其長皆相等

營造尺十寸自乘得一百寸律尺當營造尺八寸

一分自乘得六十五寸六十一分以此為比例率
置律尺累數以六十五寸六十一分乘以百寸除
之得營造尺累數置營造尺累數以百寸乘以六
十五寸六十一分除之得律尺累數其累數相等
營造尺十寸自乘再乘得一千寸律尺當營造尺
八寸一分自乘再乘得五百三十一寸四百四十
一分以此為比例率置律尺積數以五百三十一
寸四百四十一分乘以十寸除之得營造尺積數

置營造尺積數以千寸乘以五百三十一寸四百四
十一分除之得律尺積數其積皆相等置律尺權
法重數以五百三十一寸四百四十一分乘以一
千寸除之得今戶部權法重數置今戶部權法重
數以一千寸乘以五百三十一寸四百四十一分
除之得律尺權法重數其重亦相等

律尺斛十斗為營造尺方八百六十四寸九百三十
四分四百二十釐今戶部量法一斗為營造尺方

三百一十六寸以今斗積除律尺斛積得二斗七升二合四勺以此為比例率置律尺量法容數以二斗七升二合四勺乘以十斗除之為戶部量法容數置戶部量法容數以十斗乘以二斗七升二合四勺除之得律尺量法容數其積亦相等

今官民度量衡比例率

營造尺八寸一分為律尺一尺

裁衣尺九寸為營造尺一尺

裁衣尺七寸二分九釐為律尺一尺

律尺一尺二寸三分四釐五毫為營造尺一尺

律尺一尺三寸七分一釐七毫為裁衣尺一尺

戶部倉斛十二斗五升為洪斛十斗

洪斛八斗為倉斛十斗

關東斗五斗為倉斛十斗

關東斗六斗二升半為洪斛十斗

倉斛二斗七升二合四勺為嘉量十斗

洪斛二斗一升七合七勺為嘉量十斗

關東斗一斗三升六合二勺為嘉量十斗

部法五兩三錢一分四釐四毫為律法十兩

京市五兩四錢七分三釐八毫為律法十兩

錢法五兩五錢八分零一毫為律法十兩

京市十兩三錢為部法十兩

錢法十兩五錢為部法十兩

御製律呂正義後編卷一百十三